

《佛說無量壽經》 補充講表

◎附表三十一：以下糅合《佛說無量壽經甄解》

○總猥憤擾，皆貪愛欲，惑道者眾，悟之者少，（憤（音愧），心煩也，擾，心亂也。）

◆猥（音偉）：鄙陋、微賤。義寂云：「言總猥者，非其事而事之，謂之總猥。謂憤擾俗事，非道人所為，而從雜之謂『總猥』也。」

◆謂世人所為，總是鄙猥之事，而其內心散亂；唯貪求愛欲，是以惑道者多，得道者少。

○世間匆匆，無可聊賴：匆匆：匆忙、急遽貌。聊賴：依靠、憑藉也。聊：依賴、憑藉也。

○愛欲榮華，不可常保，皆當別離，無可樂者。

※《大乘起信論》云：「當觀一切世間有為之法，無得久停，須臾變壞。」

※善導大師於《勸念佛偈》云：「假饒金玉滿堂，難免衰殘老病；任汝千般快樂，無常終

是到來。」

※《菜根譚》云：「飽後思味則濃淡之境都消，色後思姪則男女之見盡絕；故人當以事後之悔悟，破臨事之癡迷，則性定而動無不正。」

○恩德普覆，福祿巍巍，光明徹照，達空無極，：普為一切天人之師，隨心所願，皆令得道。

◆恩德等二句，總舉佛德。光明下，別以顯之。佛為法王下，結歎。

◆初中佛慈平等，遍覆一切，如大雲普覆一切世界，故云：「恩德普覆」。

◆福謂福佑，祿則祿位，佛萬德圓滿，福德高大，如須彌山，故云：「福祿巍巍」也。

◆光明：智慧之相，是「身業」。達空無極，是智德，即當「意業」。（此二句自利德）

開入泥洹：即開導契入大般涅槃，乃明教授即「口業」德。

◆教授典攬：乃教人趣道也。道法訓世，名為教授。夫大聖之化物，以口教授，令悟其理，或據經典，而令攬其義，依經解義，乃如以手攬物，故云：「典攬」。

◆威制消化：佛威尊高，制伏魔外，消化邪見，制以智力，皆令降伏者。